

07/12/1999

Exco Johor angkat sumpah hari ini

JOHOR BAHRU, Isnin - Barisan baru exco Kerajaan negeri dijangka mengangkat sumpah jawatan masing-masing di Dewan Undangan Negeri, Bukit Timbalan di sini, esok.

Majlis itu akan disempurnakan sebaik saja Menteri Besar, Datuk Abdul Ghani Othman, selesai menghadap Sultan Johor untuk mendapat perkenan senarai nama barisan exco, sekali gus mengangkat sumpah jawatannya di Istana Bukit Serene.

Sumber Kerajaan Negeri berkata, senarai baru barisan Exco yang turut membabitkan beberapa muka baru telah diserahkan Abdul Ghani kepada Perdana Menteri, Datuk Seri Dr Mahathir Mohamad di Putrajaya, hari ini.

"Pada dasarnya, Dr Mahathir bersetuju dengan cadangan Abdul Ghani menambah 10 ahli exco berbanding lapan sebelum ini. Ia selaras pindaan perlembagaan negeri yang memperuntukkan 10 ahli exco berbanding lapan sebelum ini," katanya kepada Berita Harian.

(END)